

„Dübbel-Wumms“ un Tosammenhalt

IN D' LUUR

Holger Janssen

redaktion@on-online.de



Nu is de Deckel d'rup. Mit 'n „Dübbel-Wumms“ sallen de Priesen för Gas liedsaam blieven. So hett dat de Bundeskanzler seggt. Bringt dat wat? Mi sall 't wunnern! In d' leste Tied mutt ik mennigmaal an mien Opa denken. De vertell eens van sien Schooltied. Daar müssen se winterdaags elke Dag 'n Stück Törf mitbringen, umdat se 'd bie 'd Pauken all mitnanner warm harren. Kunn dat vandaag ok noch klappen? Törfovends giff in d' Scholen un Schrievstuvn ja nich mehr. Un Gas to brannen kannst slecht in 'n Emmer mitbringen – Wumms-Deckel hen of her. Man, de Gedank, dat elk un een mithelpen mutt, um över 'd stuur Tied to komen, ist trotzdem nich verkehrt.